



KOMUNIKADO PA PRENSA

Huntu paisnan por ta mihó prepará pa orkan



Willemstad – Huntu paisnan por ta mihó prepará pa orkan. Esaki ta e liña kòrá ku a bin dilanti durante un seshon informativo interesante titulá ‘Hurricane Preparedness and the Business Enterprise’. Esaki a tuma lugá na Santa Barbara Beach Resort en konekshon ku e di 41 Seshon di e Komité di Orkan di e Organisashon Mundial di Meteorologia (WMO)

Sr. Kenneth Graham, direktor di e konosido ‘National Hurricane Center’ merikano tabata orador prinsipal durante e anochi. Sr. Graham a duna un splikashon amplio di e desaroyonan sientífiko ku a tuma lugá den e último añanan riba e tereno di orkan. Esaki ta un materia tékniko i kompliká, i paisnan ta trahando huntu pa hasi e informashon mas fásil komprendibel pa e komunidad. Tambe ta traha riba sistemanan di alerta previo pa tur hende por prepará mihó pa orkan.

Durante di un diskushon entre orador i públiko, a papia habri riba e retonan ku e sektor ta enkontra i kon por solushoná esakinan.

For di 18 te ku 22 di mart 2019 representantenan di diferente pais ta na Kòrsou pa e di 41 Seshon di e Komité di Orkan ku tin un agènda detayá den kual lo trata plannan operashonal i di koordinashon, i palabrá diferente aspekto. Kada aña e miembronan aki ta bini huntu pa evaluá e temporada di orkan di e aña anterior i prepará pa esun di e aña aktual. E benefisio pa nos pais ta ku nos ta keda na altura di tur e último desaroyonan tiba e tereno aki.